



Broj/Број: 04/5-50-1--17-1/10
Sarajevo/Сарајево, 26. 07. 2010. godine

IZVJEŠTAJ

sa Proljetnog zasjedanja Parlamentarne skupštine NATO-a,
održane u Rigi, od 28.5. do 01.06. 2010.

U radu Proljetnog zasjedanja Parlamentarne skupštine NATO-a, održanog u Rigi, od 28.5. do 1.6. 2010. godine, učestvovali su: Milorad Živković, predsjedavajući Delegacije Parlamentarne skupštine BiH u Parlamentarnoj skupštini NATO-a i Ivo Miro Jović, član Delegacije.

28. 05. 2010. godine

Održan je sastanak sekretara Delegacija. Sastanak je održan sa sljedećim dnevnim redom:

1. Upoznavanje sa planom rada Proljetne konferencije NATO PS,
2. Informacija o rezultatima sastanka sekretara Delegacija koji je održan u Briselu 12. i 13.02..2010. godine i Memphisu 27.3.2010. godine
3. Informacija o pripremljenim materijalima za potrebe održavanja Proljetne konferencije,
4. Informacija o rasporedu rada Komiteta,
5. Priprema za održavanje sastanaka i konferencija NATO PS u 2009. godini
 - Godišnja Konferencija NATO PS, Varšava, Poljska, 12-16. novembar 2010.godine,
 - Sastanci u 2011., 2012., 2013. i 2014.
6. Saradnja između Delegacija i Međunarodnog Sekretarijata.

U popodnevним satima održan i sastanak Delegacije gdje su članovi Delegacije upoznati sa rasporedom rada Proljetne konferencije i zaključcima sa sastanka sekretara Delegacija. Dogovoren je način praćenja rada i učešća u radu Komiteta.

29.05 2010. godine

Rad Proljetnog zasjedanja NATO PS se odvijao prema ponuđenom planu. Prije početka rada Komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na pomenutim sastancima su razmijenjena mišljenja o temama koje su predviđene za raspravu tokom Konferencije.

Održani su sastanci Komiteta na kojima su članovi Delegacije PS BiH uzeli učešće:

- Komitet za nauku i tehnologiju,
- Komitet za politička pitanja,
- Komitet za ekonomska i sigurnosna pitanja,

Komitet za nauku i tehnologiju

U radu Komiteta učestvovao je Željko Grubešić, sekretar delegacije.
Radom Komiteta je predsjedavao Michael Mates, UK.

Tokom rada Komiteta održane su prezentacije o temama:

- Zapad i Rusija, politička i ekonomska situacija i odnosi, Baltička vizija, Vaira Vike-Freiberga, bivši predsjednik Republike Latvije
- Održiva energetska strategija Alijanse, Filip Vitel, Francuska
- Nedoželjena trgovina nuklearnim oružjem i proturaketna odbrana: Novo partnerstvo sa Rusijom, David Scott, SAD
- Jačanje globalnog režima kontrole nedozvoljene proizvodnje i trgovine nuklearnim oružjem, Michael Ruehle, Odjel za planiranje NATO
- Klimatske promjene: Post Kopenhagenski izazovi, Pierre Claude Nolin

Rasprava o navedenim temama protekla je u namjeri da se nađu rješenja za sadašnje probleme i različita mišljenja oko pojedinih spornih pitanja između pojedinih zapadnih zemalja i Rusije. U raspravi su korišteni brojni argumenti sa obe strane, ali na kraju je zaključeno da je rješenje u dijalogu i jačanju međusobnog povjerenja. Jačanje povjerenja traži više konkretnih akcija. Komentiran je i problem erupcije vulkana na Islandu. Konstatovano je da su uzrokovane velike štete u ekonomiji skoro svih evropskih zemalja te da treba naći rješenja za oporavak nacionalnih avio kompanija.

Komitet za politička pitanja

U radu Komiteta je učestvovao u prijepodnevnom dijelu Ivo Miro Jović.
Radom Komiteta je predsjedavao Karl A. Lamers, predsjedavajući, SR Njemačka.

Tokom rada Komiteta održane su prezentacije o temama:

- Sigurnosni i vanjsko-politički prioriteti Republike Latvije, Aivis Ronis, ministar vanjskih poslova R Latvije,
- Od Kabula do Brisela: Naučene lekcije NATO u misiji ISAF u Avganistanu, Alexander Vershbow, pomoćnik državnog sekretara za odbranu SAD,
- Jedinstvo Alijanse, Raynell Andreychuk, Kanada
- NATO partnerstvo i NATO kontakt zemlje, Jose Luis Arnaut Portugalija i Rainer Stinner SR Njemačka
- Centralna Azija: velika igra u troje, Alain Deletroz, potpredsjednik međunarodne krizne grupe

Prezentacija o sigurnosnim i vanjsko-političkim prioritetima Republike Latvije izazvala je veliku pažnju učesnika jer zemlja domaćin je iskoristila priliku da se prezentira na izvanredan način.

Saradnja R Litvanije sa zemljama

Baltika i Skandinavije je više nego dobra. Osmišljena je nizom programa i projekata strateškog karaktera što daje dodatnu dimenziju odnosa u regionu.

Članstvo u NATO i EU je dalo niz prepoznatljivih rezultata i nema oblasti gdje saradnja ne ide u smjeru koji su definisani vanjsko-političkim ciljevima. Nema sfere u kojoj se ne radi zajednički, kako bilateralno, tako i u sklopu tijela Alijanse i EU.

Kada je upitanju Avganistan i misija ISAF, poruke su da nema odustajanja od postavljenih ciljeva. Nužno je dalje jačanja Alijanse kroz ciljeve koji su dobro poznati. Očekuje se dalje snažno koaliciono djelovanje i slanje trupa u mjeri koje je realitet i potreba misije.

Jedinstvo Alijanse se posebno gleda kroz ISAF misiju. Odnos prema ciljevima misije je najbolji pokazatelj jedinstva Alijanse mišljenje je izvjestilaca i učesnika u raspravi.

zaboraviti.

- Komitet za ekonomska i sigurnosna pitanja,

U radu Komiteta su učestvovao je Ivo Miro Jović.
Radom Komiteta je predsjedavao Hugh Bayley, predsjedavajući, UK.

Tokom rada Komiteta održane su prezentacije o temama:

- Stanje ekonomije Republike Latvije, Ilmars Rimševičs, guverner Centralne banke Latvije
- Finansijska kriza u Grčkoj: Implikacije na evropsku i globalnu ekonomiju, Spyros Economides, Škola za ekonomske studije London
- Smjernice za rad Potkomiteta za transatlanske ekonomske relacije, John Sewel UK i Petras Austrevicius Litvanija
- Posljedice ekonomske krize u centralnoj i istočnoj Evropi, Attila Mesterhazy Mađarska
- Globalna recesija, nemoć i nesigurnost u razvoju svjetske ekonomije, Jeppe Koford, Danska
- Ekonomske promjene i postizanje potrebnog globalnog balansa, Simon van Driel, Nizozemska

Poseban interes je bio posvećen raspravi oko trenutnog ekonomskog stanja i finanske krize u Grčkoj. Konstatovano je da je to veliki udarac kako evropskoj tako i svjetskoj ekonomiji. Nije dobro što je sve došlo na vidjelo preko noći. Vlasti Grčke su očito prešutile stanje koje je prethodilo teškom finansijskom udarcu za euro zonu.

Konstatovano je da se Grčka ne smije ponoviti nikome te da sve zemlje moraju izvući pouku iz svega što se desilo Grčkoj.

Tokom prezentacije ekonomskog stanja u Latviji istaknuto je da ima problema, ali nema mjesta panici. Latvija izlazi iz ekonomske krize i ključnim uzrocima recesije se stalo u kraj snažnim i odlučnim mjerama vlade. Latvija je izlaz iz krize tražila u svojim resursima i mogućnostima. Nisu ugrožena vitalne ekonomske poluge i Latvija je u svom izlazu iz krize imala pomoć zemalja koje su uložile veliki kapital i sredstva u njenu privredu u zadnjih 20 godina. Shvatile su ozbiljnost vladinih mjera i izlaz iz problema se našao.

U svjetlu razmatranja globalnih ekonomskih problema najviše se govorilo o tzv. "grčkom sindromu" gdje su tražene oštre i odlučne mjere u kontroli nacionalnih ekonomskih tokova. Prikrivanje stvarnog stanja će se osvetiti svim onim koji misle da će ikada više biti tako jake solidarnosti kako se desilo u slučaju Grčke.

30. 05. 2010. godine

Održani su sastanci Komiteta na kojima su članovi Delegacije PS BiH uzeli učešće:

- Komitet za civilnu dimenziju sigurnosti
- Komitet za odbranu i sigurnost

Komitet za civilnu dimenziju sigurnosti

U radu Komiteta učestvovao je Ivo Miro Jović.
Radom Komiteta predsjedavao je Karl A. Lamers, SR Njemačka.

Tokom rada Komiteta održane su prezentacije o temama:

- Komentar Generalnog sekretara NATO na provođenje političkih preporuka koje su razmatrane u NATO PS tokom 2009. Godine
- Sigurnost čovječanstva: nova dimenzija, Žaneta Ozolina, Univerzitet Riga, Latvija
- Centralna Azija: izvori nestabilnosti i susjedstvo Avganistana, Alain Deletroz, potpredsjednik Međunarodne krizne grupe,
- Sigurnost mora i plovila: Koordinacija i uloga NATO i EU, Lord Jopling, UK,
- Izazovi rukovođenja u Avganistanu: Vitalino Canas, Portugal
- Zapadni Balkan, 15 godina nakon Dejtona: postignuća i budućnost, Mark Angel, Luksemburg

Toko rasprave posebno je bila interesantna rasprava oko stanja na granicama Avganistana. Brojni su problemi u zemljama okruženja i izražena je zabrinutost da se neki negativni tokovi iz Avganistana sele u zemlje kao što su Turkmenistan, Kirgistan. Traže se dodatni naponi svih zemalja regiona da podrže ISAF misiju. Delegacija Ruske Federacije imala je brojna pitanja u vezi sa stanjem u Avganistanu.

Date su i primjedbe na nedovoljan balans moći u Avganistanu jer puno snaga i moći je koncentrisano u Kabulu. Administrativni kapaciteti u Avganistanu su kritični, a posebno oni na lokalnom nivou.

Zajednička aktivnost NATO i EU oko obezbjeđenja neometane plovidbe brodova u Somaljskom zalivu je dala rezultate, ali ne dovoljne da bi se reklo da je situacija potpuno pod kontrolom. Traže se dodatne snage i veće ulaganje u tehniku koja može odgovoriti novim izazovima otmičara i terorista na vodi kako su ih nazvali stručnjaci i učesnici u diskusiji.

Izlaganje o stanju na Zapadnom Balkanu, 15 godina nakon Dejtona je bilo dosta široko. Date su vrlo uopštene ocjene i zaključci. Po mišljenju učesnika u diskusiji nije obuhvaćena uloga i doprinos nekih međunarodnih organizacija kao što je OSCE.

Dosta je bilo komentara na tezu o potpunoj normalizaciji stanja u svjetlu smanjenja prisustva stranih trupa. Isključuje se mogućnost sukoba, ali o suštinskim pretpostavkama za otklanjanje mogućnosti sukoba kao što je demokratizacija u državama zapadnog Balkana, tranzicija sa privatnim vlasništvom, tržišnom ekonomijom i interesom kapitala bilo je malo govora.

Kritiziran je rad ICTY uz obrazloženje da nije potpuno ispunio očekivanja i da nije dovoljno doprinjeo pomirenju. Malo se govorilo o tome kako se gleda na budućnost zapadnog Balkana.

Komitet za odbranu i sigurnost

U radu Komiteta je učestvovao Željko Grubešić.

Radom Komiteta je predsjedavao Julio Miranda Calha, predsjedavajući, Portugal

Tokom rada Komiteta održane su prezentacije o temama:

- Pogledi R Latvije na novu viziju NATO u kontekstu razmatranja novog Strateškog koncepta, Imants Ieģis, ministar odbrane Latvija,
- Kako mala zemlja može dati doprinos sigurnosti Alijanse, general major Juris Maklakovs, načelnik Zajedničkog štaba Vojske Latvije,
- Partnerstvo sa Snagama nacionalne sigurnosti Avganistana, Frank Cook, UK
- Kako postići uspjeh u Avganistanu, Jack D. Segal, politički savjetnik NATO Komande u Brunsumu,
- Uloga NATO-a na krajnjem Sjeveru, Ragnheidur E. Arnadottir, Island i Josph A. Day, Kanada
- Nenuklearno američko oružje u Evropi: temeljna NATO debata, Raymond Knops, Nizozemska

Zvaničnici R Latvije su predstavili svoja gledanja i vizije članstva u NATO. Izvršili su temeljite reforme u sektoru odbrane i sigurnosti i bore se sa obezbjeđenjem priličnog budžeta za sektor odbrane. Saradnja

među zemljama Baltika je impresivna i nema polja u kome ne nastupaju zajednički. Imaju specijalističke centre za obuku vojnika i oficira raspoređene tako da se smanjuju troškovi i racionalizuju snage i sredstva. Zaključak je da iako su male zemlje mogu dati veliki i ciljani doprinos Alijansi.

Uloga NATO na krajnjem sjeveru je potpuno jasna i transparentna. Podijeljene su uloge i obaveze i svi rade za sve. Naime, žele stabilan region i saradnju gdje ima mjesta i za Rusku Federaciju jer je postavljeno pitanje o tome kako odnosi funkcioniraju u praksi.

31.05.2010. godine

Održan je sastanak Stalnog komiteta na kome je sumirana rasprava o prijedlogu rezolucija i deklaracija Konferencije.

01.06. 2010. godine

Održana je plenarna sjednica NATO PS.

Plenarnoj sjednici je prisustvovala Delegacija PS BiH u NATO PS, Tokom plenarnog zasjedanja izlaganje su imali:

- gospodin Gundars Daudze, predsjednik Parlamenta R Latvije
- gospodin John Tanner, predsjedavajući NATO PS,
- gospodin Valdis Dombrovskis, Premijer R Latvije
- general Egon Ramms, komandant Zajedničkih snaga iz Komande NATO u Brunssum
- gospodin Anders Fogh Rasmussen, generalni sekretar NATO i Predsjedavajući Sjeverno – atlanskog Vijeća,

Nakon obraćanja na Proljetnom zasjedanju gospodin Rasmussen je odgovarao na pitanja učesnika Konferencije.

U razgovor i diskusiju uključili su se i stalni ambasadori članica NATO gdje se pored ostalog razgovaralo kako unaprijediti odnose NATO sa Rusijom, kako misiju ISAF u Avganistanu učiniti djelotvornijom tekako rješavati postojeće probleme te kako naći najracionalnija rješenja u daljoj transformaciji NATO.

Osuđen je nuklearni test Sjeverne Koreje i usvojena Rezolucija o stanju u Moldovi.

Izvještaj sačinio
Željko Grubešić

PREDSJEDAVAJUĆI DELEGACIJE
dr. Milorad Živković

Dostaviti:

- Kolegiju Doma naroda
- Kolegiju Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Komisiji za vanjske poslove Predstavničkog doma
- Kolegiju Sekretarijata
- Kopija: Ministarstvu vanjskih poslova BiH

